



An de Brechfaud.

An de Brechfaud, an de Brechfaud,
Wo de Hollerbaam schdehd,
Do dreff jeden Dwend
Meiⁿ Schatz ich, meiⁿ Gred.
Zwische Daah un zwische Dungal,
Do kummd es geschlubbd,
Seiⁿ Meilche, deß schlabberd
Un seiⁿ Herzje, deß hubbd.

Ich fiehls orndlich klobbe,
Wanns so newig mer sizd
Un sich uff meiⁿ Schulter
Middem Aaren als schdikd.
Un seiⁿ Meilche vor Babble
Sinnig Dochdem faschd kummd,
Bis daß es in Kisse
Un Schmake verschdummd.

An de Brechtaud, an de Brechtaud,
Do muß, wie es hääsd,
& Gääschd erum schbugge,
Biß daß er erleesd.
Es war e arms Määre,
Dem 's Herz dord gebroch,
Weil seiⁿ Bu nedd gehall hadd,
Waß er 'm verschbroch.

„Schatz, mach der käⁿ G'danke,
Waß bischd dann so schdill?“
„Ach Perer, ich wäß nedd,
Wie's g'mahne mich will.
Meer isses so eije,
So ängschdlich zu Mud,
Wann nore unser Glick nedd
& Enn nemme dhud“

„Bischd doch e kläⁿ Schoodche!
Wer denkt an e Enn,
Wann so mer seiⁿ Schatz un
Seiⁿ Glick in de Hänn;
Wann so mer e Meilche,
So frisch un so rood

Ë Marr noor, e Schodder,
Noohem Glick do noch froohd.

An de Brechlaud, an de Brechlaud,
Do werdd es ganz schdill,
Noor unnig em Holler,
Was reje sich will;
Zum Kerchturm schlaahds zwelfe,
Un leis wie e Dufd,
De Finger am Maul, schwebd
Ë Gääschd durch die Lufd.

